

PREGUNTAS ASUBA SA LIMBA SARDA

Ddas intèndiu ca, in is comunus aundi est arreconnota sa tutela po sa lingua sarda, chi unu cunsilleri de crarat de no connosci su sardu ddi depit èssiri garantida sa furriadura in

Èia, dd'apu scipiu ligiendi sa lei 482/99



Po ndi sciri de prus...

- *Ma sa limba sarda est una o funt medas? Est mellus a pretziri o a uniri?*

Candu in is universidadis sardas si fueddat de Sardinnia e de sa limba cosa sua essint a pillu cuntzetus comenti “logudoresu”, “campidanesu”, “nugoresu”, “ogiastrinu” e si ndi bogant cartinas de sa Sardinnia linguistica prenas de coloris diferentis po amostai tancas e làcanas linguisticas. Innoi no si bolit negai ca esistanta is variedadis de sa limba sarda, ma sceti pònniri in craru ca diferèntzias ci ndi funt in dònna limba. Candu mai in is librus de scola italianus s’ant scritu ca s’italianu chistionau in Taranto est differenti de cussu fueddau in Venèzia o in Roma? O chi s’italianu est differenti de setentrioni a meridioni de s’Italia, ca a un’ala si narat *angùria* e a s’atra *cocomero*? In beridadi ddu scideus totus ca s’italianu in buca de unu sitzilianu no est gualis a cussu fueddau in Trentinu o in Lombardia, ma est a su pròpiu una limba sceti, cun variedadis

aintru de issa, ma unida de un’ortografia comuna, unu standard comunu chi fait scriri a su sitzilianu e a su lombardu in sa matesi manera. Sa pròpiu cosa acuntessit a su sardu, ma si chistionat s’un prus de is diferèntzias chi pratzint prus de pònniri in craru e fai biri is cosas chi ponint a pari is sardus e sa limba insoru.

Novas Baressesas at a bessiri prus o mancu una borta a su mesi e s’at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s’indiritzu

serviziocultura@comune.baressa.or.it iscriendi su nòmni, su sangunau e “bollu arriciri *Novas baressesas*”. In prus, s’at podi ligi puru in sa bacheca comunali o agatai in medas atividadis comercialis de sa bidda o in sa biblioteca comunali



Comunu de Baressa
Provintzia de Aristanis

Sa redatzioni de *Novas Baressesas* est contivigiada de su Servitziu linguisticu sardu e s’Assessorau a sa Cultura de su Comunu de Baressa.

S’isportellu linguisticu est a disponimentu de tzitadinus, maistus de iscola, professoris e istudentis po cali si siat informatzioni, profundamentu, duda e crosidadi asuba de sa lingua sarda, po consulèntzias didàticas e po contzillus chi pertocant is arrègulas de iscridura de su sardu.

Su Servitziu in argiolas est abertu:

DII	DATA	ORÀRIU
Mèrcuris	03.07.2013	10.10 – 15.10
Giòbia	11.07.2013	08.00 – 12.30*
Mèrcuris	17.07.2013	12.10 – 14.40
Giòbia	25.07.2013	09.40 – 12.40*

Mèrcuris	31.07.2013	12.10 – 14.40
----------	------------	---------------



Comunu de Baressa
Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Fòllu periòdicu de informatzioni istitutzionali de su Comunu de Baressa

Responsabilidadi e proprietadi de su Comunu de Baressa (or)

Annu III, n. 6

Acabau su 17 de argiolas 2013

Imparaus gioghendi

Si avisant totu is famìlias de Baressa chi tenint pipius in domu ca s'Ufitziu limba sarda e sa biblioteca ant a sighiri a fai is atividadis in lìngua sarda po totu is pipius chi funt in s'iscola elementàri, o po ddu nai in atrus fueddus, chi ant apenas acabau sa cuinta elementari o chi a cabudanni ant a intrai in prima: duncas de 6 a 11 annus.

Custas atividadis, chi sunt inghitzadas giòbia 11 de argiolas, ant a sighiri giòbia 25 de argiolas 2013 de is dexi a mesudie (giovedì 25 luglio 2013)



dalle 10.00 alle 12.00) in sa biblioteca comunali de Baressa. At a èssiri s'operatori de s'Ufitziu lìngua sarda, Tatiana Frau, a fai giogai is piciocheddus e fintzas a ddis imparai cosas meda in sardu. Cun giogus in su computer, coloris giogus a trumas e garas puru, is piciocheddus s'ant a ispassiai totus impari, ma ant a torrai puru a iscoberri sa lìngua sarda.

E no at a èssiri s'ùnica dii de ispàssiu: s'at a sighiri a giogai cun sa lìngua sarda giòbia 1° de austu (giovedì 1° agosto) puru a sa matessi ora, duncas de is dexi a mesudie (dalle 10.00 alle 12.00). Eus a lìgiri in lìngua sarda contus famaus de s'iscridori Fedro, chi faint chistionai is animalis e eus



a fabricai is personàgius e su teatrinu aici de torrai a contai su contu cun sa boxi de is buratinus nostus fatus de nois etotu... pipius arregordaisi: tocat a portai in biblioteca una iscatula bella de cartonì, chi siat unu pagu manna e fintzas carta po fai is pacus de is arregalus gai impreada! Benei in medas!! Seus a ispassiai totus impari...

Pìndulas de su Comunu

Si avisant totu is baressesus chi est publicau in su BURAS n.32 de su 11 de argiolas 2013 su bandu de su GAL MARMILLA po sa misura 311 "Diversificatzioni faci a atividadis non agricolas" e cussu n.311 "Agiudus e punnas de is atividadis turìsticas".

